

dlěšich kralowskich mjenow stać; duž je drje tam přenjoťnje stało Matthiasowi (1469—90) (abo snadź Giršičowi) a potom jeho naslědnicy w čěskim kralestwje jako markgrafowje we Łužicomaj. (Władisław II. knježeše 1490—1516; po nim Ludwik do 1526, Ferdinand I. do 1564, Maximilian II. do 1576 a Rudolf II. do 1611.) Pod Rudolfom II. je serbska přisaha hišće wužiwana byla, runje kaž porno stejaca němska; w němskej je Ru na wumóranym měsće widjeć, w serbskej pak so spóznaje Š (spóčatk mjena Šerđinandowi) a při nim uduřf, a tež, zo je tam prjedy dlěše mjeno stało. Měščanski pisar abo druhi zastojnik, kiž je přisahać dał, je sebi njezwjazanu pódla w knizy ležacu formulu z nowa wokoło l. 1600 napisal pod kralom Rudolfom II., ale jara hubjenje (móžeše serbscy ryčec, a formulu z hlówy prajić, ale nic pisać!) w tehdomnym hižo běžnym (kurrentnym) pismje; widjeć je zajimawe mjez druhim knešhu Rudolpšu, knešhu Burgermeisteru a zehlum Šadhu, acf miše Bohu pomhain a jšeho šwata (?) Šada.

Prawopis w podatej serbskej přisazy, kotraž móže přepis hišće staršeje być, je tajki, kajkiž so w čěskich přenich čišćach a w pismach 15. stotka namaka a kajkiž bě bóle trjebany dyžli lěpši Husowy.*) Někotre čišćane česke wěcy móžachu we Łužicy, jako čěskim kraju, hižo znate być, zo bychu při trěbnym spisanju serbskich słowow za přikład služile, npř. bibliske kruchi; čišćany nowý zakon plzeňský je hakle z l. 1475. Tež dyrbjachu we Łužicy wo napisanych čěskich krajnych a měščanskich prawach wjedzec; přetož w 15. stotku měješe česka ryč powšěchnu placiwosć w krajnym zarjadowanju a při wyššim sudže, a čescy zemjenjo sebi tehdom w swojej narodnej ryči dopisowachu. Tajcy zemjenjo běchu wěsće tež mjez wyššimi krajnymi zastojnikami we Łužicy; a jedyn z nich**) snadź je měščanskemu pisarjej Budyšina našu přisahansku formulu ze-

*) Štóz sebi přikłady tehdomneje čěšćiny přeje, pohladaj n. př. do A. W. Šemberoweje knihi: Dějiny řeči a literatury české. Jan Jiskra piše so tam „Šaitmann (1461)“, kaž mamy tudy „burgermeister“.

**) Snadź Jaroslav ze Sternberga sam, kiž bě 1467—69 zarjadowal Hornjeje Łužicy a potom bohó w Delnjeje, abo jedyn pod nim stejacych zastojnikow Čechow.